

澄城縣志

澄城縣誌序

澄城誌成敖尹佐刻之木夫誌貴明實文次之開卷一覽衆美畢見得志之體矣誌蓬萊于溟海退處士于游俠非無文也飾虛車爾近見作誌者徒以前人目錄分更改革務立殊稱以新耳目然益晦而不能白淆而不能真焉焉用誌是故於其繪也甯素可也澄城吾西安巨邑舊無誌書誠爲缺典嘉靖己酉徐尹效賢屬國子生石子道立纂著焉脫稿將梓而徐尹卒庚戌敖尹來治是邦取石子稿更加潤色大光祿谿田馬公述始末爲題辭石子復序諸前後石子勤學求志孝廉士也澄邑繁劇素號難治敖尹爲政暇及於文事其治行可徵矣爲之序嘉靖辛亥春三月下旬

澄城縣志

卷一

一

石本

賜進士出身資善大夫參贊機務南京兵部尚書前吏部右侍郎右春坊 太子右庶子兼翰林院 國史修撰 經筵講官苑洛韓邦奇書

澄城縣志題辭

世孰爲大文獻居先文獻弗足聖明焉傳郡邑有志是爲之文山川聖明賴以著存嗟伊澄城西安巨邑迺無志文君子所急嘉靖己酉徐令效賢有志斯文採獻纂編明季庚戌敖宰佐營踵徐芳躅斯文迺成石子道立文發于質聚書攷索仍恭秉筆教諭魏子司訓二王爰加較正偕敷腎腸谿田馬氏覽知攸珍是用題辭歸諸梓人嘉靖辛亥春三月穀雨日賜進士出身中大夫南北光祿寺卿谿田居士馬理撰

澄城縣志目錄

一卷

地理志 沿革 分野 邑名 疆域 山川 形勢

橋渡 井泉 古蹟 陵墓 景致 風俗

災祥

建置志 城池 縣署 儒學 社學 諸行署 雜署

舖舍 鄉里 鎮堡 市集

祠祀志 祠廟 壇壝 寺觀附

田賦志 田畝 戶口 田賦 丁賦 課程 物產

二卷

官師志 封錫 職官 知縣 縣丞 主簿 典史

澄城縣志

卷一

二

石本

教諭 訓導

人物志 宦達 選舉 進士 鄉貢 歲貢 例貢

孝子 烈女 節婦 義士 戚畹 封贈

武職 仙釋

雜誌附 陶枕 文鬼 人妖 闕疑 正訛 補遺

夫志古國史之流也古史廢於秦而後志興焉郡邑各有志所以明典章寓政化志不作郡邑無史矣是故識治體者先之澄城久闕志嘉靖丙午邑大夫江津徐侯效賢始請諸澗源楊先生庭纂修之遽卒矣而未就也已酉春再命予小子於是作今志俾將來有攷焉夫惟王體國經野莫先於地縣之建地其輿也故受之以地理官府次舍無去守以聽政也

故受之以建置秋報春祈民居迺奠故受之以祠祀時使薄
斂民生迺休故受之以田賦奠土質民育才宣化必有司存
矣故受之以官師名世才俊光啟後先流風丕式矣故受之
以人物事不以類論不以緒可以觀事變備遺亡故受之以
雜誌終焉藝文必有關風教政體吏習民隱者依類附錄外
是卽雄篇巨什悉黜不載志凡七篇今析爲二卷是歲六月
四日邑人玉泉石道立子脩謹識

澄城縣志一卷

玉泉石道立 撰次

儒學教諭魏天瑞訓導王畿王廷弼 校正

地理志第一

沿革

澄城禹貢雍州之域春秋時為晉北徵地徵音懲後屬秦春

秋文公十年秦伐晉取北徵遂為秦地漢始置徵縣屬左馮

翊徵澄同音後誤為澄東漢省晉為重泉地屬馮翊郡元魏

大平真君七年析郃陽縣置澄城郡隋開皇三年罷郡以縣

屬同州唐武德間析置長甯縣今縣西北長甯河有城址存焉

貞觀省一本作後省長慶四年割隸奉先縣五代梁屬河

澄城縣志 卷一 四 石本

中府後唐同光元年一本作三年復隸同州宋金元因之

國朝仍為澄城縣隸西安府同州

分野

井鬼之宿鶉首之次歷代天文志皆井鬼分野

大明清類分野書云井鬼在未自井九度至柳三度屬秦分

雍州山堂考索云鶉首秦也唐一行云天下山河之象存乎

兩戒秦據百川上流得兩戒山河之首故為鶉首今按左馮

翊地實秦分野澄城屬焉故同

邑名

古徵前漢地理志顏師古註曰徵音懲即今之澄城縣是也

左傳所云取北徵即此地耳

疆域

東邠陽東南朝邑南同州西南蒲城西白水西北宜君北雒川東北韓城廣五十里袤一百五十里

山川

武帝山

在縣東北七十里上有漢武帝廟相傳帝遊梁山時經歷於此土人立廟祀之

將軍山

在縣北六十里山巔有秦武安君白起廟故名山下迤南有村曰社田相傳為起食邑居民姓白疑其苗裔與

社公山

在縣北五十里上有社公社母廟疑即方社之神

界頭山

在縣西北七十里北曰雒川南曰澄城此山間於兩縣故名

澄城縣志

卷一

五

石本

壺梯山

在縣西北五十里邑人喬廷左即山巔建文帝廟

伏鳳山

在縣西二十里

石樓山

在縣北七十里山形如樓故名

石門山

在縣西北七十里

麻林陂山

在縣西北七十里

臨高原

在縣南五十里宋名臣言行錄李忠襄公忠知同州以計執金撒離喝後由漢村經臨高原撲地河奔入夏國

石道立曰將軍山麓泉三源合之水可盈斗中隔土嶺一

里許鑿引達縣可以利民撫按移檄查修今尚未舉時其

有待乎

洛河

在縣西二十里

長甯河

於洛

在縣西北四十里卽雲門紅羅二谷水所會西南入

大谷河

在縣東二十里爲郟陽縣分界

撲地河

在縣東二十里

三里澗

在縣西三里許

洗腸泉

在三里澗南百餘步金沙谷下東晉高僧佛圖澄開

脇浴腸之地故名迄今油膩如星浮在水面每旱嘆禱雨其應如響

隋公泉

在縣西北三里許隋文帝避暑時宮娃浴此故名泉

形如匱又名匱谷其水清澈可愛凡達人騷客尋春修禊者攜北海之樽領東山之妓酌水煮茗臨流泛觴往往於斯焉

澄城縣志

卷一

六

石本

藍田諸呂俱有題名適菴老人遊隋公泉詩曰往事無窮莫

漫傷野泉今日水猶香最憐清澄明如鏡幾度宮娃照晚粧

棚槍泉

在縣南三里相傳漢武帝經此棚槍於地有水湧出

故名

甘泉

在縣西北四十里出自匱谷水味甘美俗名縣西河

澄泉

在縣西三里水之源潔流清故名俗名官泉釀酒香美

邑人多用之會甘泉入于洛

玉泉

在縣西北五十里老樹偃仰怪石巉巖其泉濱崖而出

瑩潔如玉雖隆冬水芹夾岸馥翠不啻春夏焉泉下又有蔬

圃藥畦引流灌溉元西臺御史彭衙潘汝劫遊玉泉詩曰十

日遊山歸未能杖藜又作玉泉行長林平許如人意時送一

天風雨聲

陰泉

在縣西北三十里泉自崖陰而出味極甘冽渠引達白雲觀內可流入廚或匯為塘或分為遂餘漫於溝矣

三泉

在縣東北十五里其泉源有三復合為一

龍泉

在縣南五十里帶洛溝味甘如醴故近泉村落因名曰醍醐曰酥酪隋文帝居同州每取食焉

雲門谷

在縣西北五十里谷口若門水氣如雲故名

紅羅谷

在縣西北七十里谷之土色狀若紅羅故名

金沙谷

一名金溪在三里澗南百餘步晉高僧佛圖澄永嘉四年入中國栖息於此

柏谷

在縣北七十里舊多柏故名

澄城縣志

卷一

七

石本

風洞

一名風谷在石門山麓其深叵測天將風洞中先有聲響振崖谷風欲息聲響復如初

三娘子川

在縣西北三十里

形勢

前拱原阜

謂臨高原

後倚山壠

謂武帝諸山

大谷河繞其左

甘泉水羅其右縣治宅中風氣攸萃誠三輔之名地馮翊之

雄邑也

橋渡

崆峒橋

在縣西十里

天險門

俗名空子橋在縣西北八十里嘉靖丙午知縣徐效賢奉檄創築扁曰天險典膳關中人督修

洛河渡

在縣西二十里

井泉

芳泉

縣舊無井遠汲三里澗中宏治間知縣徐政卽預備倉鑿一井因自扁曰芳泉

徐公井

嘉靖丙午北虜猖獗知縣徐效賢擇城中隙地鑿四井以戒不虞邑人取汲稱便名曰徐公井

雙泉

嘉靖庚戌知縣敖佐因城中水鹹卽社稷壇鑿二井水清且甘祭祀飲食神人共賴俗呼雙泉

古蹟

避暑宮

在縣東北五十里乃隋文帝避暑離宮林木交加河流盤曲一方之奇觀也水環宮後岸善崩碑刻沈沒無可攷

澄城縣志

卷一

八

石本

後改爲治平寺

隋文帝莊

相傳在避暑宮迤西漫無可攷惟金大定二十七年重修岱嶽廟記云古蹟則有隋文帝魏公成之舊莊今且

失其處矣

鄭公莊

卽修善村今名大賢村在縣北二十五里唐太宗所賜魏徵莊也其子孫世居焉宋浮休居士張舜民過此有詩

曰兒童不識字耕稼鄭公莊或云良輔鎮西亦有魏莊

北徵城

在縣西南二十五里蒲城縣界俗名避難堡左傳秦伐晉取北徵卽此

王官城

在縣西北四十里左傳穆公伐晉取王官卽此城址尚存

長甯城

在長甯河之南唐初析置長甯縣卽此遺址尙存

新城

在縣東北二十里左傳秦伐晉圍邠新城卽此

萬里長城

在縣南三里許遺址尙存今按蒙恬斥逐匈奴收

河南地爲四十四縣築長城起臨洮至遼東延袤萬餘里暴

師于外十餘年恬常居上郡統治之今吾邑所云萬里長城

恐非蒙恬所築者觀東坡指掌春秋列國圖自見

親鄰寨

在縣北二十里元陝西平章李思齊命將所築以爲

屯守

句倉驛

在縣東南寺頭鎮

撲地驛

在縣東撲地河

賢相驛

在縣西北良輔鎮因魏鄭公得名

澄城縣志

卷一

九

石本

石道立曰諸驛相傳謂設於宋廢於元今吾邑馬牛驛站
給他驛遞謂斯地非要衝故也比見河南山西及戍邊軍
士入延綏榆林一帶者往往繇之自北而南者亦然使者
過越縣官卒無以辦夫馬輒令里甲顧賃民不勝其擾安
得復前一驛分站之給他處者以自供民庶其少休乎

陵墓

東晉佛圖澄墓

在文廟南下俗傳爲澄藏骨處今按神僧傳

晉穆帝永和四年十二月八日澄卒於鄴宮寺窆於臨漳西

紫陌初石虎殮澄時以生時錫杖及鉢納棺中後開棺惟得

鉢杖不復見屍或言澄死之日有人見澄於流沙今此地云

有澄墓未知是否邑人張雲谷詩云不知燼骨埋何地猶指

宣尼廟下陵謂此墓也

唐魏徵墓 在縣北大賢村

高柏成墓 在縣東十里西下村

宋楊宣撫墓 在縣東南三十里宋楊業之後有碑為人竊去今其裔世官播州

金師節婦墓 在縣南雷莊村墓表一通進士王嘉猷撰今毀惟有明昌三年八月原降省符碑一通在焉

國朝潘尚書孟舉墓 在縣北遮路村

雷御史恭墓 在縣西北三十里洛城村今按二君子在昌時為邑中之望特與筆其墓

石道立曰澄城陵墓世遠傳訛不志可也然蒼梧九疑史

澄城縣志

卷一

十

石本

亦並載魯衢五父過者興哀矧衣冠弓劍藏以為墓又古人所不廢因疑而盡削之則司墓之祭亡而採樵之禁弛矣故志之以存古蹟係民思其真與偽又何暇深辯乎哉
景致

荒陵暮雨 謂魏氏陵 古寨寒煙 謂親鄰寨 雲門素練 謂雲門

谷 羅谷丹霞 謂紅羅谷 浴腸故地 謂洗腸泉 避暑遺宮 謂隋

文帝避暑離宮 壺山樵子 謂壺梯山 沮水漁翁 謂洛河渡

風俗

尚氣概先勇力有強毅果敢之資無驕惰浮靡之習 詩傳 性

剛而好勝 事文類聚 三輔屬邑自古號為難治 艾元老遺愛

大較前輩風俗重農事勤女紅儉約朴實拙於服賈民有 碑

童而野處華顛未識公署者士則悅理義好讀書仕者尙廉
介而賤乾沒乃今不盡然凡民率暴悍使氣輕視法令囂訟
避征徭士則志於學而恥好問婚姻則專論財喪葬則事繁
文泥風水嗚呼敝也久矣轉移化導之機不存乎人哉

張雲

谷詩云把酒思閒事民風漸不淳婚姻貪厚幣喪葬弄虛文
服飾誇新巧收成諂鬼神憑君勸一醉醉了若無聞

石道立曰吾邑何以號難治也蓋暴秦之强悍漸於前徙
豪之侈靡雜於後故耳余又謂倡之有機焉夫一雍州也
化於姬德則閒田而興讓習於嬴弊則相稽而反唇斯豈
土壤之殊哉亦政教之移人也揚子曰御得其道則狙詐
咸作使御失其道則狙詐咸作敵握化機者其圖之

澄城縣志

卷一

十一

石本

災祥

宋大觀丁亥冬無雪元元貞元年春夏大旱無麥

是歲縣尹

郝思仁竭誠懇禱大獲甘澍歲乃有秋

泰定四年春不雨

二

麥俱枯百穀失播

天厯二年大饑至正十九年夏蝗入境不

爲災

是歲六月終縣南遵教社飛蝗遍野達魯花赤赤只兒

瓦歹奉幣告奠蝗入鄰境歲不爲災

國朝吳二年春不雨永樂八年秋大霖雨

七月初雨五旬始

止 正統二年歲饑成化二十一年大饑

死者枕籍人相食都

御史崢山梁璟澄城賑貧詩曰匹馬馳驅未敢安可憐黎庶
日凋殘無端蝟役終身苦百結鶉衣透骨寒村落荒涼雞犬
散妻孥奔走道途難鸞坡肉食知多少莫道身心得自寬

正

德七年妖賊作亂

李午事見延思祠記

十三年初夏雷雨無

麥

電積地尺餘踰月始消

十五年十二月二十三日雪樹

俗

名樹架關東謂之樹孝雪霽後有此多主豐穰

嘉靖七年歲

歉

是歲麥田收十之三秋不登斗米需銀二錢

八年夏大蝗

是歲蝗飛蔽日自東南入縣境食民禾稼萬井騷然

十年夏

無麥大饑

自春徂夏旱甚麥盡枯死迄冬發內帑銀以賑張

雲谷旱詩曰地赤天黃日日風野雲恣傲懶從龍龜腸舊苦

看將又婦哭夫啼破屋中

二十四年北方白龍見

去縣四十

里大雨如注頃刻水深三尺

二十六年七月麻林陂山移都

御史謝蘭奏

聞奉

澄城縣志

卷一

十二

石本

聖旨該部知道

聖諭朕仰荷上天眷佑近復蒙此仁愛之警卿等宜加修省

仍宣示百官各務脩舉實政無尚虛文以副朕意八月嚴霜

殺稼

迄冬米價騰湧

石道立曰世謂災祥休咎天也非人之所能為也傳有之

和氣致祥乖氣致異則休休咎咎可盡歸之天邪其人哉

共人哉

建置志第二

城池

土城方三里有奇建築莫知所始正統景泰宏治重修嘉靖

丙午北虜猖獗知縣徐效賢奉檄築壘高深倍昔戊申乃重

修四城門

北門知縣鄭光溥改建今復藻飾焉

洞甃以甃門

襲以鐵已酉又建四郭門各有記

時南郭門未孰今知縣敖

佐始完之

縣署

在城內西北隅莫考所自建元末毀於兵燹

國初縣治徙於親鄰寨洪武二年縣丞樂韶躬詣督府稟命

復故治廨宇塵居尋就規繩正統三年知縣楊季琦更建廳

事儀門大門至趙瑾則改建大門為譙樓楊泰徐政又相繼

恢治焉嘉靖甲辰知縣鄭光溥重修譙樓扁其前曰封聯秦

晉後曰鞠拊黎元諸公署加藻飾焉兵部尚書苑洛韓邦奇

撰記

尙存

戊申知縣徐效賢迺新房科葺獄禁建馬廄已酉

澄城縣志

卷一

十三

石本

又飾堦圮廣儀門庚戌知縣敖佐創建宅第完吏廨正儀門

作園亭遷馬廄制度秩如矣

正廳

五檣

幕廳

三檣

在正廳左

六房

東西共一十九檣

銀庫

在正廳內居右

儀門

三檣

知縣第

在正廳後舊不能蔽風雨

知縣敖佐始捐俸葺治焉

縣丞第

在知縣第左

主簿第

在知

縣第右敖佐始建

典史第

在縣丞第之東

吏舍

在六房後

後

樂園

在縣丞第左

退思亭

在後樂園內

馬神廟

在儀門內居

右馬廄

在儀門外

獄禁

在儀門內居左吏舍以下俱知縣敖

佐建

儒學

在縣治西門外唐以前世遠不能徵宋有大觀聖作之碑元

至元二十七年知縣薛文曜重修宣聖廟皇慶二年知縣張洵重修講堂俱有碑元末兵燬

國朝洪武六年知縣王秩重建廟學語在元進士蒲城趙寅記正統四年知縣楊季琦增修宏治七年知縣楊泰增修語在中書舍人長安吉人記嗣是典守靡常傾圮日甚嘉靖甲辰知縣鄭光溥迺撤舊而新之語在尙書苑洛韓邦奇記戊申知縣徐效賢又環築土城以嚴捍衛創申名宦鄉賢二祠以修缺典歲在庚戌知縣敖佐首建號舍完二祠置祭器木籩二百二十銅爵二十規模制度漸備於前矣

敬一亭 三檼在明倫堂後嘉靖十年知縣洪廷玉奉勅創

建明倫堂 五檼在先師廟後 東博文齋 五檼 西約禮齋 五檼

澄城縣志

卷一

十四

石本

教諭宅 舊在明倫堂左今廢嘉靖二十一年署縣州判楊茂

蘭卽宅內養濟院右建宅一區權居 訓導宅 舊在學宮西北

隅悉廢今卽學門內右建二區居焉 井 在學宮東南隅知縣

楊泰穿講堂 在明倫堂後 饌堂 在講堂後 神廚神庫牲房 在

學宮巽隅號舍 方員平直四連共二十四間堂後左右各十

間射圃 在饌堂左東向內有觀德亭三檼 學倉 在學宮東北

隅講堂而下今悉廢

石道立曰學宮諸已廢者不志可也顧學校

國家育才之地有司之首務係焉凡諸傾廢又其不可缺者故志之冀興復也

社學

在縣治前左西向宏治間知縣楊泰徐政相繼繕修正德間就圯嘉靖初遺址幾沒於人教讀張東白於御史臺復還於官知縣徐效賢修建知州楊庭記今知縣敖佐於各里考選教讀訓迪子弟已濟濟可觀矣

石道立曰小學大學之根本也社學廢弛則蒙養無地望其小子有造不可得已昔上蔡李公督學政檄郡縣里置一學學設一師遴子弟可教者俾以時督率之嗚呼美矣厥後民乃無賴撤屋宇而薪之址多沒入民家惟教讀今猶設焉其告朔之羊乎有志復興者尙因而求之
又曰化民成俗教學爲先我

朝稽古定制二學徧天下甚盛典也然士者民之望士化則

澄城縣志

卷一

十五

石本

民從之君子之爲政當自學始昔文翁治蜀不言政而言教蜀頌文翁不言治而言化知所先也有志孝學者勗哉諸行署

布政分司在縣治南偏東參政崔忠參議于璠各有題

崔詩

云一泓澄水尙依城避暑遺宮易治平錫地唐臣惟廟祀擗槍漢主有泉名洛河岸柳人爭渡古戍花封鳥亂鳴欲訪王氏貞節事斷碑荒塚草煙生于詩云古徵舊邑洛河邊間訪遺跡思惘然避暑殿爲參佛殿洗腸泉作谷溪泉長卿政美存遺廟鄭魏功高有錫田歷代只今恩澤厚風流民物勝當

年按察分司在縣治東街副使曹璉提學伍福各有題

曹詩

云洛河東渡入澄城澗谷盤紆路少平漢武擗槍泉尙湧隋

文避暑宮空名春日古寨寒煙鎖夜靜荒陵鳥亂鳴惟有魏
徵莊賜地祠中遺像凜如生伍詩云阡原落木曉霜凝按節
衝寒八古徵避暑宮存思故主洗腸泉在說神僧日照羅谷
丹霞爛瀑瀉雲門素練騰憶得叔敖爲政處去思碑石到今

稱
西安行府在布政分司右

雜署

陰陽學 在縣治東南隅北向今廢
醫學 在陰陽學稍西南向

僧會司 在精進寺
道會司 在崇壽宮
申明亭 三間在縣治前

居左北向知縣徐效賢建
旌善亭 三間在縣治前居右知縣

徐效賢建
榜房 六間在縣治右南向知縣敖佐建
稅課局 在

縣城南門內偏東南向正統二年裁革遺址存焉廣五丈袤

澄城縣志

卷一

十六

石本

二丈
預備倉 在縣內左迤東南向
縣倉 在儀門外居左今廢

社 縣治及各鄉鎮俱有今悉廢
養濟院 舊在邑厲壇左知

縣安明善徙城內西小街舊院址尚在
漏澤園 在東郭外百

餘步舊址久沒
軍器局 三間在縣治右久廢
惠民局 三間在

縣治左久廢

石道立曰興利除害政之善物也吾澄稅課局官革而稅
存矣惠民局名存而實廢矣社倉漏澤園法廢而址沒矣
可除者猶未除可興者久不興民何以蘇哉 辛亥夏知縣
敖佐查出漏澤園三畝餘在楊家莊後復屬於官

演武教場 在南郭外地十六畝知縣敖佐勘明開除稅糧二

石一斗八各里代納衆心允協焉

石道立曰聖人安不忘危故能久安長治我朝於天下郡縣置民兵以爲城守其慮遠矣乃今訓練亡實役作無藝俾民困而武弛嗚呼古以備禦今以備役立法之初意不曰荒哉

鋪舍

急遞總鋪

介於布政分司西安行府之間今廢

餘有十四鋪

城東者一曰柳池達邠陽城東南者二曰撲地曰寺頭達朝邑城南者六曰鎮基曰交道曰懷仁曰安樂曰臨高曰白其達同州城西者二曰交城曰長閨達蒲城西北者三曰蟒猛曰藥鋪頭曰紅羅谷達洛川已上鋪舍今適壞

鄉里

鄉凡三里凡四十

澄城縣志

卷一

十七

石本

東南太平鄉領十八里

郭下長政奉政陽城通賢通振自龍

伏龍白其遵教寺前仁義西觀懷仁先進忠信通道業善

東

北甘泉鄉領八里

王莊時莊三泉永平賢得武安安定太賢

西北王官鄉領十四里

吉安善化義井故東段莊長閨馮原

陰泉長寧永富太平良輔牙曲太慶

石道立曰按吾邑在宋金時凡六鄉今無歸義加泉高柏三鄉餘則仍舊焉編戶在

國初凡六十四里頗稱富庶至天順六年則併八里

崇賢常

興歸仁常熟常義橋南親鄰山前

宏治五年又併十六里

永豐豐樂新城中正臨高安樂光祿誠信義合玉泉路井

福原西下王莊奉祿良周

視諸初已減三之一有奇矣迺

今逃亡日甚或有里名而無丁數或有丁數而無田廬然而役作不減差稅屢增以虛存之里名受實征之隱禍此所以縣日益罷而民日益貧也嘉靖間有併里之例有司惑於左右之言而止

鎮堡

良甫鎮

在縣北五十里因魏鄭公得名

馮原鎮

在縣西北五十里

十里

寺頭鎮

在縣東南四十里

瑤頭鎮

在縣西二十里

王莊

鎮

在縣西北三十里

嘉靖丙午邊聲告急知縣徐效賢奉檄

創築城堡三座曰遵義堡

即寺頭鎮

曰長閨堡

即瑤頭鎮

曰

太平堡

即王莊鎮

陝西都察院都御史謝蘭檄委典膳鄭穀

關宗仁喬廷前權汝止督修

澄城縣志

卷一

十八

石本

市集

在縣關廂者其輪遞月無間日諸鎮則以日相遞而已

祠祀志第三

祠廟

文廟建置與儒學同

詳諸修學記

先師廟五檣東西廡各七檣戟門三檣柱以石櫺星門三檣

自正殿直達於街軒豁洞明規模翼翼矣

啟聖祠三檣在先師廟左嘉靖十年知縣洪廷玉奉

勅創建

城隍廟在縣治西門外唐正元十三年建宋元豐中邑 飭

正殿建廊廡進士李君記

李君失名記亦不傳

金仍舊貫元

初廟廡焚毀僅存正殿後至元四年縣尹宋傑重修縣尉劉宏遠記

國朝正統七年知縣楊季琦修宏治中知縣楊泰徐政重修嘉靖戊申知縣徐效賢始撤舊而廣之規模宏大矣路義楊存喬廷後劉守正督修有記

名宦祠三楹在學宮東南隅嘉靖己酉知縣徐效賢申請創建未就庚戌知縣敖佐始繼而成之

石道立曰名宦有祠可以考德可以觀政邑大夫之用意遠矣夫士臨民有德沒而民懷之乃祀其神俾依焉禮也政不務德者賊賊民之棄也又何祀矧夫史傳循吏志錄名宦志之所錄史實傳之顧可忽耶是故賢者不可忌而澄城縣志

卷一

十九

石本

廢也不肖者不可愛而厠也議斯禮者慎哉慎哉

鄉賢祠三楹在名宦祠右嘉靖己酉知縣徐效賢申請創建未就庚戌知縣敖佐始繼而成之

石道立曰按古者鄉先生沒則祭於社所謂鄉先生者取其言行足以範世勵俗不必其皆仕於時也無德而祀者謂之淫有德而遺者謂之闕淫與闕皆不可以爲禮是故大儒惟以明道爲尙而無取乎詞章訓詁之能名臣必以功德及人而不徒取乎爵位之顯忠臣甯以死諫比死節而事之不係安危者不與錄孝子而抑過中錄名儒而黜失行一鄉之祀奚容苟耶邑大夫徐效賢曰論人於一邑之中似不必吹毛求疵爲法於百世之下則亦當求全責

備真知言哉

知縣徐效賢查議名宦鄉賢牒文其畧曰看

得二祠之設所以褒表前修風勵後進關係匪輕修舉雖
責治於有司議論當公出於學校合行故牒該學即便會
查嘉靖改元以前官政人物某人治行特異有益地方可
為名宦某人德學優長有裨風化可為鄉賢各要擬議詳
慎推舉得人使後官知勸以宜斯民於是縣有無窮之福
後賢思齊有光斯土於是縣有無窮之聞無或查議不明
有乖盛典

壇壝

社稷壇在城外西北隅知縣徐效賢申建如制風雲雷雨山
川壇在縣南郊知縣徐效賢申建如制邑厲壇在縣北郊鄉

澄城縣志

卷一

二十

石本

厲壇舊各里俱有今悉廢

已上祠廟壇壝俱祀典所載故首

列之其祠廟不載祀典者附錄於後

唐魏鄭公祠在南郭門外偏西南向先是繪公像於縣學門
廡東壁宋宣和癸卯知縣張綱始建祠於縣之西郊又自為
記金承安三年邑令艾元老以西郊荒僻仍徙今所建正堂
三間中肖公像及其五世孫魏暮執笏侍立於左東西廊廡
一十間廟門一所語在同州教授孫鎮記元至正七年縣令
竇本重修邑儒傅良弼記一在縣北二十里砲落村祠五間
繚以周垣宋龍圖學士王正言金尚書高有邦

國朝陝西僉事四明張楷各有題

張詩云古屋荒坪下青山

對茅茨停驂拜儀形宛然貞觀時念昔納諫日剗切無回思

朝朝十漸疏古今良足師平原莽秋草封邑皆陵夷幸存馮

翊譜得考文貞祠

今祠屋詩碑並廢遺址存焉

縣令鄭公祠在魏鄭公祠西貞元十一年建今廢

金縣尉趙公祠在岱嶽廟內大定十一年建今廢

金主簿李公祠在魏鄭公祠內大定二十三年建今廢

金縣令艾侯祠在魏鄭公祠東承安四年建今廢

皇明楊公祠知縣楊季琦祠也在魏鄭公祠迤南東向祠屋

一檣中肖公像四壁甄髹斧鑿不可破足以驗人心愛公之
至歷年既久棟橈瓦落四壁仡然獨存

石道立曰設祠祀德所以樹風聲揭芳軌爲後之長民者

勸也邑大夫徐效賢覩諸公祠宇傾廢奮然圖興復焉將

澄城縣志

卷一

二十一

石本

歲時瞻拜取緒餘以自補也不虞板築具而卒矣再噓厄
運之光不有待於今之從政者哉

延恩祠潼關兵備張禴祠也在預備倉之東北向承德八年
知縣韓齊建祠三檣中肖公像旁肖指揮張潛關建像侍立
焉語在邑令河東劉一中記

追思祠知縣徐效賢祠也在預備倉門西北向嘉靖庚戌秋
知縣敖佐奉檄建祠三檣中肖公像語在南京戶部員外吳
橋李懿記

玉皇廟在北郭門外迤西崇壽宮後

后土廟在北郭門外迤西

岱嶽廟一在寺頭鎮宋政和中建一在北郭門外金大定二

十七年知觀道士呂居仁重修語在鄉貢進士宗有 記

龍王廟在縣西南湫頭西岸其地洛水經焉兩崖壁立水自高岸澹下狀如瀑布下有潭洄然深黑上常有雲氣能致雨正統中知縣楊季琦禱雨有感樹碑廟中語在教諭敘南李康記

風伯廟在風洞前每烈風作官具特禮詣廟祭之風隨息宏治中知縣楊泰重修

高伯成廟一在縣東南十五里一在縣東西下村舊有碑三娘子廟在陰泉之上

唐姚烈女祠在縣北定國村

金師節婦祠在縣南雷莊村勝國以前典祀今祠祀俱廢其

澄城縣志

卷一

二十二

石本

遺址存焉

寺觀

精進寺在東郭門外迤南唐肅宗時建習儀於斯僧會司在焉元將軍郃陽郭思德過此有詩

普濟寺在金沙谷上其下有佛圖澄洗腸泉禱雨輒應邑人相與創寺泉上名靈泉寺宋大觀丁亥馮翊久不雪郡侯郭公遣使迎泉水供事之翌日瑞雪應祈歲乃大熟侯奏其事於朝天子嘉賞大觀戊子四月錫師以真顯法師之號至己丑又勅賜普濟之名政和壬辰邑人曹景儉作記迺今爲佛寺所祀亦非澄矣地頗清幽騷人墨客歲時遊者吟咏日富今有鐫詩記邑人雲谷張廷用撰

治平寺卽隋文帝避暑宮改廢

普化寺在縣南鎮基村宋熙甯間賜額

聖壽寺在縣西十二曲村宋熙甯間賜額一在歸安村

至德寺在縣南伏龍村宋大觀賜額

慧光洞在普濟寺東崖古名金沙谷相傳爲石勒時神僧佛圖澄卓錫地因祀之宋政和中邑人曹景儉有記迄今世改傳訛誤爲佛寺嘉靖甲辰寺僧常理法孫崇德始卽寺內東崖甄磳此洞肖佛圖澄像祀之

羅漢洞在縣東北門村

碧潭洞在撲地河

雷神洞在縣南窰底村

澄城縣志

卷一

二十三

石本

三清洞在和家莊

崇壽宮在北郭門外迤西唐建道會司在焉金節度中議太原郝子玉題崇壽宮觀妙堂一絕

至道由來瓦礫間心通萬

境不爲難道人若到觀空處此理殊無妙可觀

玉泉觀在玉泉之上盤山和陽子李君棲真之所碧水環流
芹香縹緲羣峯矗矗若拱若揖溪山之勝概也延祐乙卯其
徒純靜大師王永謙重修陝西諸道行御史臺監察御史彭
衙潘汝劼撰記嘉靖己亥道人李教眞修葺

白雲觀在三娘子川

保安觀在縣西北程莊村

迴鸞寺在縣南景家河隋文帝避暑迴鸞駐驛於此寺故以

名

暉福寺在縣北北寺村宋大和十二年建

甯國寺在縣北馬店村唐建

雲風寺在縣北平訓村宋建

大雲寺在縣南寺頭鎮

肅宗寺在縣西北王莊鎮

永興寺在縣西北永內村

青龍禪院在縣西北四十里洛水之陽

清涼禪院在縣西段莊村南元泰定三年重修宏治四年又

修邑人進士許英記

大明禪院在縣東北門村延祐間重修宋熙甯間賜額

澄城縣志

卷一

二十四

石本

大悲禪院在縣南中社村金大定壬申創建趙彙重修

存留院在縣東南西觀村金大定二年重修進士古舜嚴曦

撰記

廣濟院在縣南南社村金明昌間建

觀音院在縣東撲地河元至治元年重修

吉祥院在縣西南藺莊河

修真觀在縣東南二十里殿宇清幽林木蒼蔚相傳漢武帝

求仙東遊梁山棲息於此故名代有修葺宏治乙丑居民李

泰重修

公明觀在縣北匱谷村宋建

瑞雲觀在縣北遮路村西金昌明間重修

聚仙觀在縣西南蔡家河

三官殿在崇壽宮左西向金大定五年重修語在中山劉穡
記

文昌祠在崇壽宮右東向洪武二十一年重修前鄉進士楊
建中記

田賦志第四

田畝

嘉靖三十年總記官民夏秋地五千四百九十三頃一十七
畝八分

夏地三千一百三頃四十二畝二分 內該官地二十七
頃六十六畝 該民地三千七十五頃七十六畝二分

澄城縣志

卷一

二十五

石本

秋地三千三百八十九頃七十五畝六分 內該官地二
十七頃六十七畝六分九釐 該民地二千三百六十二
頃七畝九分一釐

戶口

嘉靖三十年軍民雜役戶共九千八百八十

內民戶八千七十三 軍戶一千二百三十 雜役戶五
百七十七 內力士校尉二十四 各色入匠二百七十
八 馬牛驢夫一百五十 斗級鋪司兵七十 廚役八
打捕二 道人二 僧人一十一 樂人一十五
男婦口共七萬四千五百四十六 內男子五萬四百八
婦女二萬四千一百三十八

石道立曰我

國家之制稅糧科於土田賦役定於戶口紀之冊籍者昭如也。比年吏坊弗慎冊籍散亡，正德已土者不可詳載，土田之增損戶口之登耗孰從而稽之？雖然觀逋賦之多可以驗土地之瘠焉，觀里甲之供可以驗民物之耗焉。長民者將不惻然乎哉！

田賦

嘉靖三十年總計夏秋稅糧共四萬一千一十八石五斗八升二合七勺五抄一撮

夏稅一萬六千一十七石一斗七合八勺八抄四撮 秋糧二萬五千一石四斗七升四合八勺六抄七撮 馬草

澄城縣志

卷一

二十六

石本

三萬一千二百五十二束一十兩 桑一萬五百六十二株該絲綿三百三十二斤一十四兩科絹二百九十三疋一丈四尺 綿花地該綿花三十七斤八兩綿布一百八十二疋七尺二寸

石道立曰我

國家之患莫急於邊，吾邑之弊莫叢於賦。以吾觀於賦籍，可爲長大息。已先王之世畫一以賦民，以安輯今吾邑兩稅動踰數萬科額紛沓，莫可稽考。長吏乍服官政，未諳民隱。一旦據案執筆，雖精歷者莫能詳矧付之老吏滑算之手，則低昂飛洒無所不至。奸民巧爲規避，求快所欲。由是輕者多在豪家，重者偏歸細戶。間有貧鬻產者，率積空稅不

能支卽逃亡累里中人矣雖額不可減求其通變之道惟有均糧庶幾畫一可調劑長吏按籍稱故事莫肯議處嗚呼其誰有以慰吾老羸之望矣乎

嘉靖三十年總計夏秋站糧價銀七千一十七兩一錢四分

四釐八毫

視舊站價則增九百一十一兩一錢五分七釐

夏站價銀三千八兩七錢四分一釐 秋站價銀四千八

兩四錢三釐八毫 潼津驛馬二匹 邠州遞運所牛四

十隻 華陰遞運所牛三隻 渭水驛馬二匹

此係新添

石道立曰田畝正賦之外有站賦馬驢牛頭則年一易諸丁賦歲調力役事一無免焉馬頭舊惟二匹于今復倍之地不加多而額外之賦日增民力殫竭終歸亡徙其孰使

澄城縣志

卷一

二十七

石本

之然哉

丁賦

力差銀差總計銀三千二百三十兩三分三毫五絲

此係嘉

靖二十九年

力差各項共銀九百二十六兩九錢 銀差各項共銀二

千三百三兩一錢三分三毫五絲

石道立曰按銀賦中有解發富平縣顧車銀二十兩咸甯縣鋤鍊銀一十五兩一錢夫丁賦之設各有舊額顧迺取彼之賦而投之我譬之懦夫負百鈞而更益之吾知不蹶而隕者幾希昔人謂寬一分則民受一分之賜經國者轉移而調停之變其所變以復乎額之舊焉斯均矣

課程

諸課鈔每歲總計八千三百六十七貫八百九十三文

酒醋課鈔二百六十九貫九百文 油課鈔九十六貫

水磨課鈔四百七十五貫五百文 埕課鈔二百八十九

貫五百文 官房課鈔一百三十七貫五百七十文 商

稅課鈔五千六百六貫八百三文 門攤課鈔一千二百

九十貫五百一十一文

物產

澄城無他奇產獨食資五穀服資木綿卽樂歲猶多枵腹及
不能完衣者爨資石炭器用資黑磁石炭黑磁埕頭鎮特產
炭井深三百尺藥稱黃芩蒼朮柴胡防風遠志知母采色則

澄城縣志

卷一

二十八

石本

有礬紅供牧則有苜蓿毛羽野畜則有黃鼠山雞山林不甚
深無虎豹水惟細流故魚稻則絕無焉諸產同他處者不悉
載

石道立曰雍州之地黃壤厥田稱上上今吾邑東南地稍
潤西北皆塙壤其溝澗荒蕪者又半之以故澄城民獨貧
少生業嗚呼執全勝之古雍以例困弊之下邑無惑乎逋
者日甚而存者日困也和來安養之責不屬之良有司哉

